

Cap. VI. Rubrica de dacio piscarie vendendo
et qualiter ipsum dadium exigere debeat.

Ordinamus quod dadium piscarie omni anno incantetur et
incantari debeat quindecim diebus ante terminum ven-
ditionis eiusdem, incipiendo a die festi Santi Bartholi in quo-
libet mense augusti in antea, et in capite dictorum quindecim
dierum deliveretur super scalis palatii comunis plus offerenti,
et quelibet persona emens dictum dadium ipsum habere tenere
et exigere debeat per unum annum completum, incipiendo a
die septima mensis septembris subsequentis in antea usque ad
complimentum ipsius anni. ¶ Et emptor dicti dadii solvere
debeat et teneatur precium emptionis ipsius dadii procuratori
comunis Tergesti, in fine omnium quatuor mensium anni pre-
dicti pro rata ipsius precii, et dare debeat bonam et ydoneam
securitatem de solvendo, prout in statuto de venditione dacio-
rum continetur. ¶ Et quod quelibet persona, tam civis quam
habitatrix civitatis Tergesti sive forensis, que vendet vel vendi
fatiet in piscaria comunis Tergesti pisces vel ubicunque in
civitate vel districtu Tergesti, solvere debeat et teneatur eidem
daciario unum par.¹⁾ pro quolibet soldo par. de piscibus ven-
249 A ditis. ¶ Et de piscibus salatis sive sicis solvere // debeat et
teneatur similiter unum par. pro quolibet soldo par., et hoc
incontinenti post venditionem dictorum piscium, sub pena de-
cem sold. par. pro quolibet et qualibet vice contrafacta. ¶ Et
quelibet persona civis vel habitatrix civitatis Tergesti, que
vendet vel vendi fatiet pisces extra districtum Tergesti ubi-
cunque locis vel partibus, etiam solvere teneatur dictum da-
cium sub dicta pena.

¹⁾ Aggiunta marginale.